

Newspaper	Berita Harian
Date	12 August 2015

Operasi hingga 12 malam

» Operasi keluar, masuk sempadan dipermudah lancar perjalanan

Oleh Wan Faizal Ismayatim
wfaizal@bh.com.my

Bandar Seri Begawan

Operasi di pintu masuk sempadan Malaysia-Brunei yang kini dibuka dari jam 6 pagi hingga 10 malam dilanjutkan sehingga 12 tengah malam.

Itu antara beberapa keputusan yang dicapai Malaysia-Brunei hasil pertemuan Datuk Seri Najib Razak dan Sultan Hassanal Bolkiah dalam Rundingan Tahunan Ke-19 di sini, semalam.

Perdana Menteri berkata, ketika ini sukar bagi rakyat kedua-dua negara berurusan di pintu masuk sempadan berikutan tempoh operasinya ditutup awal, selain terlalu banyak pusat pemeriksaan.

"Tuanku Sultan Brunei dan saya sudah bersetuju waktu operasi di *check point* dilanjutkan hingga jam 12 tengah malam agar perhubungan rakyat lebih lancar.

"Ketika ini *check point* terlalu banyak dan perlu pemeriksaan banyak kali... ini pun kita akan *kay* untuk melicinkan perjalanan keluar dan masuk di kedua-dua negara," katanya kepada media Malaysia di Lapangan Terbang Antarabangsa Brunei sebelum ber-



Najib berbincang dengan Sultan Hassanal Bolkiah ketika mengadakan pertemuan di Istana Nurul Iman di Bandar Seri Begawan, semalam. (FOTO BERNAMA)

lepas pulang ke ibu negara.

Perdana Menteri berkata, persetujuan itu dicapai hasil perbincangan selama sejam 15 minit antara beliau dan Sultan Hassanal Bolkiah di Istana Nurul Iman, di sini.

Beliau bagaimanapun tidak menyatakan bila peraturan baharu itu akan dikuatkuasakan.

Terdahulu, Najib dan isteri, Datin Seri Rosmah Mansor, menghadap Sultan Brunei dan Raja Isteri Pengiran Anak Saleha sebelum menyertai majlis santapan tengah hari yang dihoskan oleh Sultan Hassanal Bolkiah.

Delegasi Malaysia turut disertai oleh Ketua Menteri Sa-

bah, Datuk Seri Musa Aman; Ketua Menteri Sarawak, Tan Sri Adenan Satem; Menteri Luar, Datuk Seri Anifah Aman; Menteri Pertahanan, Datuk Seri Hishammuddin Hussein serta Menteri Perdagangan Antarabangsa dan Industri, Datuk Seri Mustapa Mohamed.

Tambah kemudahan Perdana Menteri berkata, dalam pertemuan itu, kerajaan Brunei juga sedia menambah kemudahan di laluan Lebuhraya Pan Borneo di bahagian negara itu untuk melancarkan perjalanan penggunanya.

"Kita juga setuju nelayan yang menangkap ikan secara tradi-

sional tidak dihalang kerana mereka tidak mengenali kawasan persempadanan" katanya

Mengulas laryut, Perdana Menteri berkata, hubungan baik Malaysia-Brunei sekali lagi ditejemahkan melalui Pertukaran Dokumen (Exchange of Letters) yang dimeterai pada tahun 2009 apabila beberapa terjemahan perjanjian itu dapat dimuktamadkan, semalam.

"Antaranya ialah definisi hak pengambilan 15 peratus oleh kerajaan Brunei berhubung minyak atau gas dyumpai dalam kawasan Pejianjian Perkongsian Produksi (PSA) bagi blok CA1 dan CA2," katanya.